



Publicaziuns officialas dils 30-07-2010

Damondas da baghegiar

Nr. 67/2010

Datum da publicaziun: 30-07-2010

Patrun: Maria Hunger-Fry, 7107 Safien Platz

Object: Renovaziun interna e montascha d'ina finiastra el tetg sin parcella nr. 4067 a Cumpadials.

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun. Eventualas prote-stas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 30-07-2010

Cumissiun da baghegiar Sumvitg

Elecziuns communalas 2010

Reelecziun da cumissiuns accessoricas e da delegaziuns en corporaziuns intercommunalas ni regionalas

Per contonscher in temps d'uffeci unitar denter autoritads communalas ed ulteriuras cumissiuns ni delegaziuns ha la suprastanza communal ordinau la reelecziun da tuts tals gremis sin l'entschatta dalla nova perioda d'uffeci. Ei setracta cheu dallas suandontas cumissiuns:

- Cumissiun da fiug
- Cumissiun da perimeter
- Cumissiun da cultura
- Cumissiun donaziun Greina
- Cumissiun lavur da giuventetgna Cadi
- Stab directiv communal da crisa
- Biro electoral
- Cussegl d'administraziun "la valischa sa"

Plinavon vegnan ils suandonts delegai a corporaziuns ni colligaziuns regionalas da vischnauncas tenor art. 50ss dalla lescha cantunala da vischnaunca reelegi, numnadamein:

- Uniun sursilvana da spital
- Corporaziun casa da tgira Sutsassiala
- Uniun da Spitex Cadi
- Corporaziun serenera Zavragia
- Corporaziun schigentera solara da gliet Cadi
- Consorzi silo da sal dallas vischnauncas Breil, Trun e Sumvitg
- Consorzi register funsil Cadi
- Uniun Parc Adula

Mandataris che stattan vinavon a disposiziun per in'ulteriura perioda d'uffeci valan sco proponi. Commembers che vulan seretret da lur post ein supplicai d'inoltrar l'abdicaziun entochen ils 13 d'uost 2010 alla suprastonza communal a scret, quei sa era succeder per mail a info@sumvitg.ch. Silsuenter vegnan ils organs communal cumpetents a far las elecziuns per ina nova perioda d'uffeci 2010 – 2013.

Sumvitg, 30-07-2010

Suprastonza communal Sumvitg

Scamond d'encurrir bulius

Sebasond sils art. 11 e 12 dalla lescha davart la protecziun da plantas e bulius ha la Regenza dil cantun Grischun decretau restricziuns.

Ei setracta en special dil suadont:

- Egl interval dils 1 entochen e cun il 10avel di da mintga meins eis ei scumandau d'encurrir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Surpassaments da quellas prescripziuns vegnan puni a norma d'art. 16 dalla lescha cantunala davart la protecziun da plantas e bulius. Nus supplichein da respectar quellas disposiziuns ed engraziein per tutta capientscha.

Sumvitg, 30-07-2010

Suprastonza communal Sumvitg

Taglia alla fontauna

Tuts patrums che han occupau luvriers jasters enteifer igl'empre semester 2010 ein supplicai da quinter giu la taglia sin fontauna **entochen ils 30 da fenadur 2010**. Plinavon ei igl importo dalla taglia da pagar immediat alla cassa communal.

Sumvitg, 30-07-2010

Administraziun communal Sumvitg

Fiasta e tir digl 1. d'uost a Plaunpetschen

- dumengia, igl 1. d'uost 2010
- plaid festiv da Mario Cavigelli
- fiasta cun tenda, gril e musica entscheiva allas 18.00
- tir per in e scadin entscheiva allas 12.30 (formar ina gruppa da dus, mo in licenziau, buis ein avon maun, sistem da cup, 1. runda sa vegnir sittada entochen allas 14.30, ulteriur sclariment sut 076 340 08 91) Cordialmein envida *la Societad da tir Vial Sumvitg*

Cuminonza Pro S. Benedetg, Clavadi e contuorn

1. d'uost 2010

La sera ca. allas 21.45 schein nus ira giu in fiug artificial el Plaun da Laits. Silsuenter sentupada el restaurant Miraval per star ensemen in per bialas uras. Cun quei fiug less la cuminonza engraziar a tut las commembras e commembers per il bien sustegn pretaus egl onn vargau. Vegni e mirei quei bi fiug sbrinzlont.

1. August 2010

Am Abend um ca. 21.45 Uhr lassen wir ein Feuerwerk laufen im Plaun da Laits. Anschliessend Treffen im Restaurant Miraval, um ein paar Stunden fröhlich zusammen zu sein. Mit dieser Attraktion möchte die Gemeinschaft allen Mitgliedern für die gute Unterstützung im vergangenen Jahr danken. Kommt und genießt dieses schöne Spektakel.